



ZU DOM ZDRAVLJA CAZIN

ul. Indire Pjanić 28, 77220 Cazin; tel: 037 515 400; fax: 037 539 027
e-mail: info@dzcazin.ba; web: www.dzcazin.ba

Na osnovu člana 20 a. stav 1. Zakona o radu Federacije Bosne i Hercegovine (Sl. novine F BiH, broj: 26/16, 89/18, 44/22 i 39/24), člana 4. Uredbe o postupku prijema u radni odnos (Sl. glasnik Unsko –sanskog kantona broj: 7/19 i 11/19), člana 10. Pravilnika o radu ZU Dom zdravlja Cazin broj: 3602/24 od 16.08.2024. godine i broj:3201/25 od 17.07.2025.godine, Odluke o potrebi zasnivanja radnog odnosa sa doktorima medicine na neodređeno vrijeme u ZU Dom zdravlja Cazin broj: 6796/25 od 29.12.2025. godine i člana 54. Statuta ZU Dom zdravlja Cazin broj:4470-1/13 od 18.10.2013. godine i broj: 1996/19 od 17.04.2019. godine direktor ZU Dom zdravlja Cazin, raspisuje

JAVNI OGLAS za prijem u radni odnos na neodređeno vrijeme

I ZU Dom zdravlja Cazin, ul. Indire Pjanić 28. 77220 Cazin, e-mail: info@dzcazin.ba oglašava potrebu za zapošljavanjem radnika na neodređeno vrijeme za radno mjesto:

1. Doktor medicine u Službi porodične medicine- 2 izvršioca

I Opis poslova

Za poziciju 1.

Kratak opis poslova radnog mjesta:

Obavlja zdravstvenu zaštitu stanovništva obuhvaćenu porodičnom medicinom, obavlja usluge liječenja, obavlja preventivno-promotivne usluge, utvrđuje privremenu spriječenost za rad osiguranog lica zbog povrede ili bolesti, izdaje ljekarska uvjerenja, ocjenjuje radnu sposobnost, obavlja ciljane sistematske preglede, obavlja prve i ponovne preglede, kućne posjete, kućno liječenje, vrši aktivni nadzor svih populacija i nozoloških grupa, vrši zdravstveni odgoj i higijensko –epidemiološki nadzor nad pacijentom i njegovom porodicom, dvije trećine radnog vremena provodi u ordinaciji radi pružanja usluga, vrši hitne preglede urgentnih slučajeva, uspostavlja dijagnoze i planira tretman i liječenje najvećeg broja oboljenja na svom području, izdaje izvode iz medicinske dokumentacije na zahtjev pacijenta ili ovlaštenog organa, obavlja i druge srodne poslove po nalogu neposrednog rukovodioca, koji su u interesu ustanove i obavlja druge poslove u skladu sa pravilnikom.

1. OPĆI I POSEBNI USLOVI ZA RADNO MJESTO

1.1. Kandidati koji se prijavljuju na Javni oglas trebaju ispunjavati slijedeće opće uslove

1.1.1. da su državljani Bosne i Hercegovine

1.1.2. da su stariji od 18 godina

1.1.3. da su fizički i psihički sposobni za vršenje poslova navedenog radnog mjesta - Izabrani kandidat će biti dužan prije zasnivanja radnog odnosa dostaviti ljekarsko uvjerenje o zdravstvenoj sposobnosti, izdano u javnoj zdravstvenoj ustanovi, koje nije starije od jednog (1) mjeseca.

1.2. Kandidati koji se prijavljuju na Javni oglas trebaju ispunjavati slijedeće posebne uslove

1.2.1. da imaju završen medicinski fakultet

1.2.2. da imaju položen stručni ispit

1.2.3. da imaju važeću licencu za samostalan rad

1.2.4. da imaju znanje iz oblasti organizacije primarne zdravstvene zaštite

1.2.5. da imaju sposobnost za organizaciju i timski rad



2. Mjesto obavljanja rada

2.1. ZU Dom zdravlja Cazin, Služba porodične medicine, ul. Indire Pjanić, Cazin, vrijeme obavljanja rada od 07:00 h do 15:00 h

3. Kao dokaz o ispunjavanju uslova kandidati su dužni dostaviti slijedeću dokumentaciju

- 3.1. Svojeručno potpisanu prijavu sa kratkom biografijom, adresom, e-mail adresom i kontakt telefonom
- 3.2. Diplomu o završenom medicinskom fakultetu
- 3.3. Uvjerenje o položenom stručnom ispitu
- 3.4. Izvod iz matične knjige rođenih
- 3.5. Uvjerenje o državljanstvu
- 3.6. Potvrdu o prijavi mjesta prebivališta (PBA-3 obrazac)
- 3.7. Važeću licencu/odobrenje za samostalan rad izdatu od nadležne komore
- 3.8. Znanje iz organizacije primarne zdravstvene zaštite, organizacije i sposobnosti za timski rad kandidat dokazuje u toku pismenog testiranja

4. Prednost pri zapošljavanju po posebnim propisima

Kandidati koji po Zakonu o dopunskim pravima branilaca i članova njihovih porodica (Sl. Glasnik USK, broj:31/20, 9/23 i 27/23) i Uredbom o uslovima, kriterijima i postupku za ostvarivanje prava na prednost pri zapošljavanju (Sl. Glasnik USK, broj:20/22) ostvaruju prednost prilikom zapošljavanja, uz prijavu na javni oglas, dostavljaju dokaz (uvjerenje ili potvrdu) nadležnog organa o priznatom statusu branioca odnosno člana njegove uže porodice i ovjerenu ličnu izjavu da pravo koristi prvi put. Uz ispunjavanje naprijed navedenih uslova, kandidat će imati prioritet u zapošljavanju ukoliko bude ostvario jednak broj bodova u odnosu na druge kandidate. Prioritet pri zapošljavanju u ovim slučajevima ostvaruje se samo ukoliko se radi o prvom zapošljavanju, odnosno isto se ostvaruje samo jedan put.

5. Rok za podnošenje prijava

Javni oglas je objavljen dana 31.12.2025. godine u dnevnom listu "Oslobođenje" i ostaje otvoren 7 (sedam) dana od dana objave u dnevnom listu.

6. Dokumentacija/dokazi

Kandidati su u obavezi dostaviti svu traženu dokumentaciju iz tačke 3. u originalu ili ovjerenoj fotokopiji, s tim da ovjerene fotokopije dokumenata ne smiju biti starije od od 6 (šest) mjeseci (ovjerava nadležni organ). Kandidat koji iz određenog razloga ne posjeduje diplomu, može dostaviti i ovjerenu fotokopiju uvjerenja o diplomiranju.

Ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine dostavlja se i rješenje o nostrifikaciji izdano od strane nadležnog organa BiH.

7. Adresa za podnošenje prijava i način predaje dokumentacije

Prijave na oglas sa potrebnom dokumentacijom se dostavljaju u zatvorenoj kovrti, na kojoj se obavezno navode podaci o kandidatu (puno ime i prezime, adresa stanovanja) i dostavljaju se putem preporučene pošte ili neposredno putem protokola ZU Dom zdravlja Cazin, na adresu:

ZU DOM ZDRAVLJA CAZIN, ul. Indire Pjanić br 28, 77220 Cazin Komisija za izbor kandidata za prijemu radni odnos, sa naznakom "NE OTVARAJ - PRIJAVA NA JAVNI OGLAS."

8. Ostale informacije

- Neblagovremene, neuredne i nepotpune prijave Komisija neće uzeti u razmatranje.
- Pod neurednom prijavom se podrazumjeva i prijava koja nije svojeručno potpisana.
- Probni rad nije predviđen.
- O datumu, vremenu i mjestu pristupanja polaganju pismenog ispita kandidati će biti obavješteni telefonskim putem, putem e-mail adrese kandidata i putem web stranice ZU Dom zdravlja Cazin www.dzcazin.ba.
- Polaganju ispita će pristupiti kandidati koji su podnijeli urednu, potpunu i blagovremenu prijavu.
- Poslovnik o radu Komisije, propisi iz oblasti iz koje će se polagati pismeni ispit će se nalaziti na web

stranici Ustanove.

- Ako kandidat ne pristupi zakazanom ispitu smatraće se da je odustao od prijave na Javni oglas.
- Uvjerenje o fizičkoj i psihičkoj sposobnosti za vršenje poslova navedenog radnog mjesta, izabrani kandidat je dužan dostaviti po konačnosti Odluke o prijemu u radni odnos.
- Svi traženi dokumenti koji služe kao dokaz o ispunjavanju uslova iz javnog oglasa se neće vraćati.
- Kontakt telefon za davanje dodatnih obavještenja je 037 515 407.

Izbor iz reda prijavljenih kandidata koji ispunjavaju uslove oglasa izvršiće se u skladu sa Zakonom o radu F BiH (Sl.novine F BiH, broj:26/16, 89/18, 44/22 i 39/24), Uredbom o postupku prijema u radni odnos (Sl.glasnik USK-a broj:7/19 i 11/19), Pravilnikom o radu ZU Dom zdravlja Cazin i Poslovníkom o radu komisije.

ZU DOM ZDRAVLJA CAZIN

Broj: 6797 /25

Dana, 29.12.2025. godine

HM